

ABSTRAK

Peranan pelaburan langsung asing (FDI) sebagai pemangkin kepada pertumbuhan ekonomi Malaysia tidak dapat dinafikan semenjak dari tiga dekad yang lepas. Ia telah memberi banyak sumbangan dan faedah kepada pembangunan negara Malaysia. Malah FDI turut menjadi satu fenomena ekonomi yang penting terutamanya di era globalisasi.

Menyedari hakikat ini, kajian yang dilakukan adalah bertujuan untuk melihat kesan-kesan yang dihasilkan oleh kemasukan FDI di Malaysia secara ekonometrik. Kajian selama tiga dekad ini (1970-2000) lebih menumpukan ke atas kesan-kesan kemasukan FDI melalui 3 saluran utama seperti sektor benar (pelaburan swasta, penggunaan swasta, eksport dan import), sektor kewangan dan output pengeluaran. Di samping itu, faktor-faktor pengaruh FDI seperti faktor saiz ekonomi, pinjaman kredit, ketidakstabilan ekonomi, kos relatif buruh dan Akta Penggalakan Pelaburan 1986 turut dilihat.

Dengan menggunakan kaedah persamaan serentak dengan sistem kuasa dua terkecil dua peringkat (2SLS), 7 persamaan yang dibentuk diregreskan. Hasil keputusan yang diperolehi yang mengandungi kesan FDI ke atas tiga saluran utama yang telah dinyatakan dan faktor pengaruh FDI dibincangkan dan dinilai secara statistik dan analitik.

Penemuan keputusan kajian menunjukkan faktor pengaruh kemasukan FDI dari sudut permintaan produk adalah penting untuk menarik FDI. Manakala kesan-kesan yang dikaji hasil kemasukan FDI turut menunjukkan banyak kesan positif dihasilkan. Ini seterusnya memberikan ruang untuk menilai implikasi daripada kesan kemasukan FDI dan seterusnya cadangan-cadangan turut diberikan.

PENGHARGAAN

Setinggi-tinggi penghargaan diucapkan kepada Dr. Yap Su Fei selaku penyelia atas nasihat dan tunjuk ajar yang diberikan di dalam menyiapkan kertas projek ini.

Jutaan terima kasih juga diucapkan kepada pihak perpustakaan MIDA dan Bank Negara Malaysia atas kesudian pihak tersebut membenarkan saya untuk membuat rujukan, disamping bantuan-bantuan yang telah diberikan.

Akhir sekali, saya amat terhutang budi kepada keluarga yang telah memberi sokongan moral dan galakan di dalam sesi pembelajaran ini mahupun di dalam kehidupan seharian.